

АЗБУКА ВЕРЫ



Канон преподобному Феодосию Тотемскому (2-й)

Канон преподобному Феодосию Тотемскому (2-й)



Минея, 28 Января, Ин канон

Глас 6

Песнь 1

Ирмос: Сеченое, сечётся/море Чермное,/ волнопитаемая же изсушается глубина,/ тажде купно безоружным бывши проходима/ и всеоружным гроб./ Песнь же Богокрасная воспевающая:/ славно прославися Христос, Бог наш.

Припев: Преподобне отче Феодосие, моли Бога о нас.

Аггче Пречисте, Божий Слове,/ низпусти мне слово, недостойному, воспети чудеса преподобнаго Твоего Феодосия,/ егоже в подвигах прославил еси, усердно к Тебе воспевающая:/ славно прославися Христос Бог наш.

Припев: Преподобне отче Феодосие, моли Бога о нас.

Весь возложся Зиждители/ и славу временную презрети желая,/ железы тело твоё стягнув, к подвигу устремился еси,/ Божественно разжётся ревностью, в молитвах же к Богу воспевая:/ славно прославися Христос Бог наш.

Слава Отцу и Сыну и Святому Духу.

Гордаго змия смирением твоим поправ,/ плотская възграна умертвил еси,/ и житейския сласти терпением, аки мечем, посекал еси,/ преподобне Феодосие, Господеви вопия:/ славно прославися Христос Бог наш.

И ныне и присно и во веки веков. Аминь.

Богородичен: Девство сохранивши некрадомо,/ от Духа Свята зачавши, родила еси Бога Слова/ и по Рождестве пребыла еси, якоже и прежде, Богоневесто Владычице./ Темже спаси нас, вопиющих:/ славно прославися Христос Бог наш.

Песнь 3

Ирмос: Господь Сый всех и Зиждитель Бог,/ созданное Безстрастный, обнищав, Себе соедини,/ и Пасха, за яже хотяше умерети,/ Сам Сый, Себе предпожре:/ ядите, - вопия, - Тело Моё/ и верою утвердитесь.

Припев: Преподобне отче Феодосие, моли Бога о нас.

Единаго возлюбил еси Христа, преподобне Феодосие,/ во плоти безплотных полки посрамил еси/ и по преставлении твоём чудеса точиши:/ явлением бо со иконою Пречистыя Богоматере девицу расслабленную от одра возставил еси.

Припев: Преподобне отче Феодосие, моли Бога о нас.

Житие непорочно на земли совершил еси, преподобне,/ ныне же страсти недужных исцеляеши:/ страждущему бо на новый месяц от лукаваго духа трилетное время здравие подал еси,/ пришедшу ко святому гробу твоему.

Слава Отцу и Сыну и Святому Духу.

Зиждителю предстоиши к Нему дерзновение имаша, отче./ К раце бо твоей пришедшая жена,/ шум, и двоицы глаголанье, и пения убо слышавши, ужасеся;/ манием же касания очес прозрение подал еси ей,/ назнаменуя святых воды кропление.

И ныне и присно и во веки веков. Аминь.

Богородицен: Из корене Иессеова израстши жезл, цвет носящий – Христа, Содетеля всякия твари,/ увядившаго сады неплоднаго разума,/ Дево Богородице, спаси ны от греховных страстей,/ прибегающия в кров Твой с верою.

Седален, глас 8

Премножеством добродетелей от младенства житие украсил еси,/ помыслив от земных на Небесная,/ и делом совершив, отче Феодосие, славу и богатство тленное ни во что же вменил еси;/ постом и власяным одеянием плоть твою изнурял еси,/ всенощным же стоянием и молитвами собеседник ангельским ликом показался еси./ Моли Христа Бога согрешений оставление даровати/ чтущим любовью святую память твою.

Слава Отцу и Сыну и Святому Духу, и ныне и присно и во веки веков. Аминь.

Богородицен: Яко Дево и едину в женах, Тя, без семене рождшую Бога плотию,/ вси ублажаем, роди человечести:/ Огнь бо вселися в Тя Божества/ и яко Младенца млеком питаеши Зиждителя и Господа./ Тем, Ангельский и человеческий род, достойно славим Пресвятое Рождество Твое/ и согласно вопием Ти:/ моли Христа Бога согрешений оставление даровати/ поклоняющимся верою Пресвятому Рождеству Твоему.

Песнь 4

Ирмос: Удивися Твой разум от мене,/ услышавшу преславная веления смотрения Твоего,/ укрепися же возлюблением Твоего схождения,/ Ты бо моя нищеты не отверглся еси.

Припев: Преподобне отче Феодосие, моли Бога о нас.

Феодосие блаженне, воздержанием во плоти/ страсти чувственный умертвил еси/ и по успении твоём страсти недужных разрешаеши:/ одержимаго бо трясавицею свободил еси от недуга.

Припев: Преподобне отче Феодосие, моли Бога о нас.

Источники слезными напоив ниву души твоея, отче,/ чудесы просиял еси, яко звезда, многосветлая:/ болезнующаго очима врачевал еси,/ младенца же спасл еси, мучима от лукаваго духа.

Слава Отцу и Сыну и Святому Духу.

Ко Творцу о нас молишися, преподобне,/ и даруеши цельбы неоскудно припадающим к раце твоей:/ хромаго от болезни врачевал еси/ и ходити непреткновенно устроил еси.

И ныне и присно и во веки веков. Аминь.

Богородицен: Людем явися обновление, Владычице:/ Ты бо родила еси во времени от Отца рожденнаго прежде век,/ нас же ради от Тебе воплотившегося/ и спасшаго от первыя клятвы род человеческий.

Песнь 5

Ирмос: Богоявления Твоего, Христэ,/ к нам милостивно бывшего,/ Исая Свет видево Невечерний,/ из нощи утреневав, зываше:/ воскреснут мертвии,/ и востанут сущии во гробех,/

и вси земнороднии возрадуются.

Прпев: Преподобне отче Феодосие, моли Бога о нас.

Многое имея дерзновение к Зиждителю, отче Феодосие,/ многими мя, лютыми страстьми
содержимаго, исцели,/ якоже и девицу, всеми уды расслабленную,/ прикоснувшуюся раце
твоей, исцелил еси.

Прпев: Преподобне отче Феодосие, моли Бога о нас.

Недреманно последуя Христу,/ плоть нас ради приемшу и очи слепаго отверзшу, Феодосие,/
жене слепей и оком невидящему прозрение подал еси,/ и нас просвети, поющих тя.

Слава Отцу и Сыну и Святому Духу.

К Серафимом приобщився, преподобне Феодосие,/ всяческих Творца и Владыку преклонил еси
на милосердие:/ седмолетное время не слышавшему ушима, даровал еси здравие.

И ныне и присно и во веки веков. Аминь.

Богородичен: Огнь Божественный во утробе понеси, Богоневесто Пречистая,/ попали наша
страсти душетленные/ и просвети сердца поющих,/ да вси Тебе прославляем, рождшую
Господа, всю тварь содержащего.

Песнь 6

Ирмос: Зверю бездны предаётся пророк Иона,/ глубине морской,/ прообразуя Твое, Слово,
тридневное востание./ Тем и зываше:/ из глубины преисподния возведи живот мой,/
Благоутробне.

Прпев: Преподобне отче Феодосие, моли Бога о нас.

Пресвятей Троице дом себе устроив,/ пустыню возлюбил еси/ и по преселении твоём к Богу
посещаяши ученики твоя,/ старца расслабленного укрепил еси/ и младенцу разрешил еси
слепоту.

Прпев: Преподобне отче Феодосие, моли Бога о нас.

Рака мощей твоих, отче Феодосие, неоскудно исцеления источает приходящим с верою:/
главную болезнь и расслабление тела жене разрешил еси,/ человека же одержимаго от
лукаваго духа свободил еси.

Слава Отцу и Сыну и Святому Духу.

Светом Божественным озаряемь свыше,/ чудесы просиял еси/ и мрак демонский разрушаяши;/
нас же, прегрешеньми обюродевших, уцеломудри,/ якоже изступльших ума уцеломудрил еси.

И ныне и присно и во веки веков. Аминь.

Богородичен: Ты провиде Даниил несеченную гору,/ из неяже отторжеса камень без руку,/ прообразуя от Тебе воплощение Безлетнаго в лето./ Нас же, во глубине злых прегрешений
труждающихся, спасаеши, Богородице,/ едина земным прибежище.

Кондак, глас 8

Воздержанием плоть изнурил еси/ и непрестанными молитвами, яко Ангел, возвысился еси,/ струями же слезными бесовския полки погрузил еси./ И ныне во Свете невечернем ликующи у Христа Бога/ и приходящим ко святому твоему гробу неоскудно исцеление подаеши,/ верою вопиющим тебе:/ радуйся, отче Феодосие Богомудре.

Икос

Возревновав о Божественных бдениих/ и тесным на земли шествовав путем,/ Небесных пространства радостне достигл еси,/ идеже зриши Пресвятую Троицу,/ дарованиями чудес обогащаемь./ Мы же, терпению твоему дивящися, сице вопием:/ радуйся, чистое Святаго Духа приятелище;/ радуйся, земный Ангеле и Небесный человеце;/ радуйся, любве ради Христовы град отечества земнаго оставивый/ и в междоречии жити изволивый;/ радуйся, древо добродетелей, при водах насажденное;/ радуйся, яко плод принесл еси благоцветущ послушания;/ радуйся, яко терпением твоим страсти плотския умертвил еси;/ радуйся, яко оружием крестным мысленнаго Амалика посекл еси;/ радуйся, столпе, непоколебимый житейскими ветры;/ радуйся, лукавых духов прогонителю;/ радуйся, яко исцелений источаеши реку;/ радуйся, яко страждущих от бед избавляеши;/ радуйся, иноком исправление;/ радуйся, отче Феодосие Богомудре.

Песнь 7

Ирмос: Три юноши не опали древле возвышаемый пламень,/ нещадно мя зной к тлению положи./ Но, яко оныя избавил еси сиянием Твоим,/ поющего с ними спаси мя:/ благословен еси, Боже отец наших.

Прпев: Преподобне отче Феодосие, моли Бога о нас.

У Владыки Творца предстоя в Вышнем Царствии, Феодосие преподобне,/ болезнующую очима исцелил еси;/ просвети и наша сердечная очеса светом Богоразумия/ и научи к Нему пети:/ благословен еси, Боже отец наших.

Прпев: Преподобне отче Феодосие, моли Бога о нас.

Фарисейское кичение отвергше,/ усердно приступим вси ко гробу Богомудраго Феодосия:/ источает бо нам неоскудную струю исцелений./ Отроку страсть телесе и союз языка разрешив,/ да отверзет и наши устне пети Христу:/ благословен еси, Боже отец наших.

Слава Отцу и Сыну и Святому Духу.

Излиянием чудес от Бога обогатился еси, отче,/ темже приходящих облегчаеши болезни,/ растения утробы, и струп ног, и крови течение устави еси./ Утверди убо и наша мысли звати Христу:/ благословен еси, Боже отец наших.

И ныне и присно и во веки веков. Аминь.

Богородичен: Христа рождши, Владыку и Врача всяческих, Богородице,/ ранами греховными нас, уязвленных люте от душетленного стрельца/ и неисцельно болящих, исцели, Владычице, молитвами Твоими/ и пластырь приложи покаяния Сыну Твоему зовущим:/ благословен еси, Боже отец наших.

Песнь 8

Ирмос: За закѡны отѣческая/ блаженнии в Вавилѡне юноши, предбѣдствующе,/ царюющаго оплеваша повелѣние безумное/ и, совокуплени ѡмже, не сварѣшася огнем,/ Державствующему достѡйную воспевашу песнь:/ Господа пойте, дела,/ и превозносите во вся вѣки.

Прпев: Преподѡбне ѡтче Феодѡсие, моли Бѡга о нас.

Псалѡмски процвѣл еси, яко финикс, в постѣ и подвизех,/ и бесѡвския полки прогоняеши, и даруеши цель бы незавѣстно./ Житѣйскими помышлѣнными мой ум мятущийся уцеломудри, да воспѡю:/ Господа пойте, дела, и превозносите во вся вѣки.

Прпев: Преподѡбне ѡтче Феодѡсие, моли Бѡга о нас.

Царѣви всех и Бѡгу предстоѣ, ѡтче Феодѡсие,/ нам испроси одолѣние на враги видимыя и невидимыя/ и движимая сердца наша утверди, да в радости душевной воспѡем:/ Господа пойте, дела, и превозносите во вся вѣки.

Слава Отцу и Сыну и Святому Духу.

Чисте зрѣти сподѡбився Пресвятую Троицу,/ до конца чисто житие сохранил еси/ и чистотою Ангелы удивил еси./ Мене же, житѣйскими сластями оскверненнаго,/ очисти молитвами твоими, да воспѡю:/ Господа пойте, дела, и превозносите во вся вѣки.

И ныне и присно и во веки веков. Аминь.

Богородичен: О Света прѣтелище, пресветлаго Солнца ѡблаче, Богорадованная Владычице,/ лѣстнице мысленная, Небесная врата, спасения двѣри!/ Бог бо из Твоих ложесн пройде неизреченно,/ Егѡже прославляем во вѣки.

Песнь 9

Ирмос: Странствия Владычня/ и Безсмертныя Трапезы/на Горнем месте высокими умы,/ вернии, приидите, насладимся,/ возшедша Слова,/ от Слова научившися, Егѡже величаем.

Прпев: Преподѡбне ѡтче Феодѡсие, моли Бѡга о нас.

Гражданин Вышний желая быти,/ земнаго отечества град оставил еси, пресельник явився, ѡтче Феодѡсие,/ к Горним легко прешел еси, во свете праведных водворяясь,/ духом же неотступно с нами пребываеши,/ сохраняй убо нас, ты воспеваящих.

Прпев: Преподѡбне ѡтче Феодѡсие, моли Бѡга о нас.

Распростер преподѡбнии твои руке,/ принеси молѣние ко Всещедрому Бѡгу, ѡтче Богомудре Феодѡсие,/ сохранить град твой невредим от варварскаго нашествия и междоусобныя брани/ и спасти нас, тебе величающих.

Слава Отцу и Сыну и Святому Духу.

Глагол моих недостѡйных грубое вещание,/ еже по силе принесох тебе, преподѡбне Феодѡсие,/ приими и не презри,/ но Творца нашего, Владыку и Господа, моли за мя,/ в день страшнаго испытанія милость обрести/ и тамошняго мучения избавитися.

И ныне и присно и во веки веков. Аминь.

Богородичен: Рясны златыми преукрашена,/ одесную Царя Бога предстоиши, Богородице Дево,/ моли убо Сына Твоего и Владыку/ милость обрести нам в день последнего испытания,/ и стояния сподоби нас со избранными,/ и страшного мучения свободи, да вси Тебе величаем.

Светилен

Умертвил еси долу влекущая мудрования,/ и, мирскаго пристрастия удалився, яко скверны,/ процвел еси, яко финикс, давидски, отче Феодосие,/ и Небесною славою со Ангелы обогатился еси от Бога,/ Егоже в песнях восхваляем.

Слава Отцу и Сыну и Святому Духу, и ныне и присно и во веки веков. Аминь.

Богородичен: Честнейши еси всея твари, Богородице Дево, Христа рождающая,/ Того убо моли сохранитися стаду Твоему невредимому/ от всякаго навета сопротивнаго.